

Normal, Sano, Salú?

Relashon seksual entre personanan di e mesun sekso ta algu ku mayoria hende ta haña ta repugnante, skandaloso, i fis. Ma algun hende na nos islanan ke pa nos sigui ehèmpel di Hulanda ...pa aseptá nan “estilo di biba alternativa” komo normal, sano, i salú. Nan ke pa nos asta pèrmití matrimonio homoseksual. Ma e estilo di bida homoseksual di bèrdat ta normal, sano, i salú?

Homoseksualidat ta karakterisá pa inmoralidat indis-kriminante. Na aña 1978, e organisashon merikano, The Insti-tute for Sex Research, a hasi un estudio di homoseksualnan mas-kulino. Nan a haña ku 10% tabatin un òf poko partner seksual durante nan bida. Nan tambe a deskubrí ku 60% tabatin por lo ménos 250 partner seksual i ku 28% di nan tabatin mas ku 1000 diferente partner seksual. Spantoso!

Un otro estadístika skandeloso ta ku 79% di e homoseksual-nan a atmití ku mas ku mitar di nan partnernan seksual tabata stranhero. **Inmoralidat flagrante asina por ta deskribí komo un sistema di bida normal, sano, i salú?** Asta e muherero ku ta broma di su “konkístanan” femenino, ta kai hopi chikí kompa-rá ku inmoralidat tan alarmante!

Kiko di e práktikanan di homoseksualnan? Nan ta muchu vulgar pa mensioná. Nos lo bisa solamente ku nos konsepto normal di loke nan ta hasi ta nada en komparashon ku nan práktikanan ku por ta deskribí komo sadístiko, fis i a-higiéniko. **Un estilo di bida asina ta normal, sano, i salú?**

E konsekuensia natural di nan inmoralidat indiskriminante i práktikanan grosero, ta tur tipo di enfermedat venérikò. Un homoseksual tin sinku bes mas chèns pa kontagiá sífilis ku un persona heteroseksual. Otro enfermedat ku ta típiko entre homo-seksualnan ta hepatitis B, gonorea (drep) di ano, i kanser di ano.

Tantu homoseksualnan komo heteroseksualnan ta kontagiá AIDS. Ma su origen klaramente ta mustra dede den direkshon di e komunidad homoseksual. Dr. William Foege, direktor di Cen-ters for Disease Control na Merka, a revelá na aña 1983 ku “E víktima averahe di AIDS tabatin 60 partner seksual den e último 12 luna.” Awendia ainda un gran proporshon di homoseksual-nan ta kontagiá AIDS en komparashon ku heteroseksualnan. Segun estadístika di yüni 1992, 59% di tur kaso di AIDS na Merka tabata resultado di homoseksualidat maskulino. Tambe 70% di tur kaso di AIDS na Merka ta entre hòmbèrnan homosek-sual òf biseksual.

Homoseksualidat ta normal, sano, i salu?

Homoseksualidat ta den nos komunidad, maske talbes na sekretu. Algun aña pasá, presidente di Komishon Prevenshon di AIDS na nos isla, a avisá “...hòmbèrnan kasá...ku ta mantené relashon ku homoseksualnan hóben, (ku) mester protehé nan mes, pa asina protehé nan famia tambe. Ademas el a deskribí esaki komo “komportashon seksual ku ta kontené hopi riesgo.” **Esaki ta zona komo algu normal, sano, i salú?**

Ta klaro ku e estilo di bida homoseksual ta ni normal, ni sano, ni salú. Dios ta deskribí homoseksualidat komo un piká repugnante: “*No drumi ku hòmbèr manera ta drumi ku muhé; ta un abominashon.*” “*Si un hòmbèr drumi ku un hòmbèr, manera esnan ku ta drumi ku un muhé, nan tur dos a kometé un akto abominabel*” (Levítiko 18:22; 20:13). Nos Kreador ta bisa esaki pasobra E sa ku un estilo di bida asina ta destruktivo.

Maske e piká homoseksual ta deplorabel, tòg Dios ta stima e pekadó. Meskos ku tur hende, e homoseksual ta un pekadòr ku tin mester di Dios Su pordon. Meskos ku tur hende, e tin ku repintí i bandoná su piká. I meskos ku tur hende, e homoseksual tin ku **ahustá su sistema di biba na loke Dios ta preskribí pa e por tin un bida normal, sano, i salú.**